

in da Spielkartn drinn

(mündlich überliefert)

Arrangement:
Thomas Gundlach

Moderato

The musical score is written for a single melodic line on a treble clef staff. The key signature is one sharp (F#), and the time signature is 3/4. The piece is marked 'Moderato'. The score consists of six staves of music, with measure numbers 1, 4, 7, 10, 13, and 16 indicated at the beginning of each staff. The melody is characterized by a mix of eighth and sixteenth notes, often beamed together, and includes several rests. There are repeat signs at the end of the first staff (measures 2-3) and at the end of the sixth staff (measures 17-18). A first ending bracket labeled '1.' spans measures 14-15, and a second ending bracket labeled '2.' spans measures 16-18. The piece concludes with a double bar line at the end of the sixth staff.

in da Spielkartn drinn

(Volkslied)

In da Spielkartn drinn is a Oachlsiebma
Und mei herzigis liabs Schatzerl, des mag i nimma.
Tral-la la la la la, la la la-lo
Und tral-la la la la la-lo.

Nachn Oachlsiebma kimmt da Oachlachta
Und i liab halt a lustige Bauerntochta.
Tral-la la la la la, la la la-lo
Und tral-la la la la la-lo.

Nachn Oachlachta kimmt da Oachlneuna,
Draußt is 's halt stockfinsta, warst a gern eina.
Tral-la la la la la, la la la-lo
Und tral-la la la la la-lo.

Nachn Oachlneuna kimmt da Zehna mitn Kreuz
Und an andern sei Diandl, das liab i mit Fleiß.
Tral-la la la la la, la la la-lo
Und tral-la la la la la-lo.

Nachn Oachlzehna kimmt da Oachlunta
Und a trauriga Bua macht koa Diandl munta.
Tral-la la la la la, la la la-lo
Und tral-la la la la la-lo.

Nachn Oachlunta kimmt da Oachloba
Und i steh da net auf, du bist gar a Groba.
Tral-la la la la la, la la la-lo
Und tral-la la la la la-lo.

Nachn Oachloba kimmt dann da Köni,
Aba Diandl mach auf, da schene ... bin i.
Tral-la la la la la, la la la-lo
Und tral-la la la la la-lo.

Nachn Oachlköni kimmt die hechst große Sau
Und i steh da net auf, denn es greinat mei Bau'.
Tral-la la la la la, la la la-lo
Und tral-la la la la la-lo.

Nach da hechst großn Sau kimmt dann da Weli
Und a Diandl, des koan Buabm net liabt, wird net seli'.

Tral-la la la la la, la la la-lo
Und tral-la la la la la-lo.

Wannst a wenig singan tatst, los i da zua,
Denn pfeifn und singan tuat a lustiger Bua.
Tral-la la la la la, la la la-lo
Und tral-la la la la la-lo.

Ja, daß i a weng singat, da war i da recht,
Aba, daß d' ma aufstangast, da bin i da z' schlecht.
Tral-la la la la la, la la la-lo
Und tral-la la la la la-lo.

Bald liegst ba an Maura, bald liegst ba an Schmied,
Bald liegst bei mir selba, koan Schauma hast nit.
Tral-la la la la la, la la la-lo
Und tral-la la la la la-lo.